

Karl Ettlinger (1882-1939)

Des Faste

- Der klääne Moses war der jingst
Beim Schulfreund eigelade
Unn weil der grad e Freidag war,
Da gab dersch da kää Brate.
- 5 Der Bub verklärt's dem Iserlit
Mit iwwerlegne Blicke:
»'s is Fastdag heint. Drum esse heint
Kää Flääsch die Kadholikke.«
No, unserm Moses mecht's nix aus,
- 10 Der frißt ääch annern Sache,
Ob's kosher odder trefe is,
Des dhut dem Kerl nix mache.
Denn glaawe dhut er nix der Bub,
Herntgege dem sei Alte,
- 15 Die basse uff, daß er gedreu
Die Feierdäg dhut halte.
Unn wie derr kimmt der lange Dag¹,
Da dhut sei Alter sage:
»Heint, heerstde Moses, werd gefast,
- 20 Heint gibt's nix in de Mage.«
»Ja,« säggt der Moses, »ja, Papa,
Ich dhu's! Mein Beifall hastde!
Nor *jiddisch* faste mag ich net.
Laß mich *kadholisch* faste!«
(128 words)

Quelle: <https://www.projekt-gutenberg.org/ettlingk/frankfor/chap032.html>

¹Versöhnungstag.